

東門隨筆ニ見エタリ、カニト云コトハ瘡ト云コト也、ニントハ同字ニテ、ハネテヨメト云タメ
ニ、ニヲント書キタリ、○中瘡バ、ヲ、カニバ、ト云、カニ小紋ハ瘡小紋也、○下

〔備急千金要方五上少小嬰孺方序例第一首、○中略

又○小曰、小兒病與大人不殊、惟用藥有多少爲異、其驚癇客忤解顛不行等八、九篇合爲此卷下瘡等餘方、並散在諸篇可披而得之、

〔察證辨治啓廸集小兒〕療兒醫難之說

小兒方序曰、古人云、寧望十丈夫、莫望一婦人、寧望十婦人、不望一小兒何也、
蓋小兒謂之啞科、疾痛不能言、精神猶未備、形聲尚所以難理者、語不能問其得病之由、况臟腑虛實更變易如反掌、主治者苟有毫髮之差、以致千里之謬、

〔萬安方四十六〕小兒八痢

八痢者有三說、茅先生曰、小兒生下至十歲、痢疾分八種、一曰赤痢、藏府積熱、二曰白痢、藏府積冷、三傷積痢、其糞內一半以土色、此本因乳食傷、四驚積痢、其糞夾青涕也、因驚客忤積至此、五脊瀝痢、時下五色不定、不喫乳、又名五花閉口痢、此五藏積毒、孔竅不開、六藥毒痢、所下如魚腦漿、本因患痢久而成、醫人下藥不對、故名藥毒積痢、七鎖口痢、都不下食、常引水喫、秋後脾虛、又名調泄痢、凡治得痢又瀉、治得瀉又痢、此是大腸滑脾虛熱、又藏中有熱毒、積而成熱毒、八風毒痢、所下痢如青草汁、又或如赤小豆汁、時時自滴瀝、脾虛受風熱毒而成此般痢、十中無一生惡候、

〔辨醫斷上〕初誕

夫產娩誕育、乃造化自然之道、非人之所強爲也、故初生嬰孩、儻有穢毒、自當逐之、逐毒之法、當隨兒之強弱、毒之淺深、旋量乃藥、消息與之、要不害其生氣而已、否者不必用藥可也、又吾邦習俗、有生下至二三日、尙禁與乳者、亦非良法也、何則、兒之在母腹所資自養、實在母之血氣耳、一至分娩已離母腹、弗資